

Сувости бойликлари закоти | Фикҳ дарслари (311-дарс)



19:00 / 18.12.2024 2264

Луълуъ ва анбарда ҳеч нарса йўқ.

Луълуъ – дур.

Анбар – кит ютиб, оғзидан қайта чиқариб юборган денгизда ўсадиган аччиқ хушбўй ўсимлик.

Сувости бойликлари ҳақида муайян ривоят келмагани учун, уламолар ўз ижтиҳодларига суяниб, турлича гаплар айтганлар.

Агар гапни мазҳаб уламоларига хос қиладиган бўлсак, Абу Ҳанифа раҳматуллоҳи алайҳи: «Сувости бойликларидан закот олинмайди», деганлар.

Имом Абу Ҳанифанинг шогирдлари имом Абу Юсуф: «Сувости бойликларидан бешдан бир олинади», деганлар.

Сувости бойликлари ҳам ер ости бойликларига қиёс қилинган.

«Сувости бойликлари» деганимизда сув остидан чиқариладиган луълуъ, маржон, анбар ва шунга ўхшаш нарсалар кўзда тутилади. Ҳозирда бу нарсалар катта даромад манбаи экани ҳеч кимга сир эмас.

Шунингдек, сув ҳайвонларидан ҳам катта даромад келади.

Умар ибн Абдулазиз ўзининг Уммондаги омилларига:

«Балиқнинг қиймати икки юз дирҳамга етмагунча ҳеч нарса олмаслик, қачон икки юз дирҳамга етса, ундан закот олиш ҳақида ёзган экан.

Шунга биноан, балиқнинг нисоби пулнинг нисобига тенг ва закоти ҳам пулнинг закотига тенг бўлади.

????? ?????????????????? ????? ?????? ?????????? ????????

????? ?????????????? ?????????? ??????: ?????? ??????????????????

????????????? ?????? ?????????? ?????????????? ??????????????.

????????????? ?????? ?????? ?????????????? ??????????: ?????????? ???

????????????????? ?????????????? ?????????????? ?????? ??????????

????????????? ??????????????.

Бухорий Ибн Аббос розияллоҳу анҳумодан келтирган ривоятда у киши:

«**Анбар дафина эмас. У денгиз суриб чиқарган нарсадир**», деганлар.

Ибн Абу Шайбанинг лафзида:

«**Анбарда закот йўқ. У денгиз суриб чиқарган нарсадир**», дейилган.

Абдурраззоқ ва Ибн Абу Шайба ривоят қилишларича, Умар ибн Абдулазиз анбардан бешдан бир олган. Ҳасан Басрий ва Ибн Шихоб Зухрий ҳам шу гапни айтганлар.

«**Кифоя**» китобининг иккинчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.

